

Saturday, October 11, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

PM -DDKY

Prime Minister Narendra Modi chuan vawiin khan New Delhi-a National Agricultural Science Complex, PUSA-ah India rama kuthnathawktute chhawmdawlina tur scheme thar pahnih - Pradhan Mantri Dhan Dhaanya Krishi Yojana (PM-DDKY) leh National Mission on Pulses a tlangzarh.

Prime Minister-in loneitute tana scheme thar pahnih a tlangzarh hi India ram a loneituten thlai tam zawk an tharchhuah a, India ram chu agriculture-a a intodelhna kawnga hmasawwna thlen thei tura ruahman a ni. Heng bakah hian Prime Minister hian Agriculture Infrastructure Fund hnuai cheng vbc 5450 senga siam project hrang hrang 1,034 a hawng bawk.

New Delhi-a scheme thar tlangzarhna inkhawmah hian Mamit district atangin Agriculture Department Officer 1, Mamit KVK Subject Matter specialist 1, National Mission on Natural Farming Scheme hnuai Natural Farmer 1 leh Farmer producer Company aiawh 1 tirh an nih bakah, Aizawl atangin Agriculture Secretary Pi Ramdinliani hoin Agriculture & Farmers' Welfare department leh Horticulture department hotuten live telecast-in an chhim a ni.

PM-DDKY scheme hi kum 6 chhung kalpui tura ruahman niin, he scheme kalpuina tur hian Central sorkar chuan cheng vbc 24,000 a ruahman a, PM-DDKY scheme hi India ramah district 100-ah kalpui tur niin, Mizoramah chuan he scheme hi Mamit district ah kalpui a ni dawn.

He scheme kalpuina tur hian Central Ministry 11 hnuai Scheme hrang hrangte chu convergence mode-a kalpui tur a ni dawn a, District Level Plan siam tur niin he scheme hian India rama loneitu mi vbc 1.7 huap thei tura ruahman a ni.

Mission for Atmanirbharta in Pulses scheme hi India ram puma kalpui tur niin, scheme atan hian Central sawrkar chuan cheng vbc 11,440 a ruahman a; He scheme hmang hian India rama be chingtu loneituten hmasawwna an neih theihna tur ruahmanna siam a ni a, a bikin be chi tha zawk an chin a, tam zawk an thar theihna tur te, be chinna hmun zauh te leh value-addition lama hmasawwna kalpuite chu he scheme-in a tum ber a ni.



MZP & MIMA

Mizo Zirlai Pawl (MZP) leh Mizoram Merchant Association (MIMA) tangkawp chuan nimin October ni 10, Zirtawpni khan Lammuala First International Star Expo-ah hnamdang rawn sumdawngte an endik a; Inner Line Permit nei lo leh thi tawh mi 36 manin thuneitute kutah an hlan.

MZP leh MIMA chuan thuchhuah intawm an siam a, Mizoram chhung ngeiah hnamdangte’n hetiang sumdawnna an rawn kal pui hi tha an ti lo tih an tarlang a; he Expo a hnamdang rawn sumdawng zingah Mizo pakhatin mi 20 chuang a sponsor thei leh a sponsor tu ZORUN EVENTS neitu Laldingngheti Pautu, Lunglei chuan a sponsor mi 20 chuangte ngaihtuah zui miah loa sumdawnna a kalpui chu hriatthiam har an tih thu an tarlang a ni.

An thuchhuah intawmah hian MZP leh MIMA chuan ‘The Mizoram Gazette Notification Guidelines for the Enforcement of the Inner line Regulation in Mizoram-ah Chiang takin ILP hi mi pakhat in 10 aia tam a sponsor theih loh thu a in ziaak tih an tarlang a; ILP pekchhuah kawngah fimkhur leh zual turin thuneitute an ngen bakah, Mizoram-ah hetiang sumdawng thei lo hnam dangte inthuralpuia sumdawnna kalpui hi awm tawh lo se an duh thu an tarlang bawk.



MZP & MIMA

Mizo Zirlai Pawl (MZP) leh Mizoram Merchant Association (MIMA) tangkawp chuan nimin October ni 10, Zirtawpni khan Lammuala First International Star Expo-ah hnamdang rawn sumdawngte an endik a; Inner Line Permit nei lo leh thi tawh mi 36 manin thuneitute kutah an hlan.

MZP leh MIMA chuan thuchhuah intawm an siam a, Mizoram chhung ngeiah hnamdangte’n hetiang sumdawnna an rawn kal pui hi tha an ti lo tih an tarlang a; he Expo a hnamdang rawn sumdawng zingah Mizo pakhatin mi 20 chuang a sponsor thei leh a sponsor tu ZORUN EVENTS neitu Laldingngheti Pautu, Lunglei chuan a sponsor mi 20 chuangte ngaihtuah zui miah loa sumdawnna a kalpui chu hriatthiam har an tih thu an tarlang a ni.

An thuchhuah intawmah hian MZP leh MIMA chuan ‘The Mizoram Gazette Notification Guidelines for the Enforcement of the Inner line Regulation in Mizoram-ah Chiang takin ILP hi mi pakhat in 10 aia tam a sponsor theih loh thu a in ziaak tih an tarlang a; ILP pekchhuah kawngah fimkhur leh zual turin thuneitute an ngen bakah, Mizoram-ah hetiang sumdawng thei lo hnam dangte inthuralpuia sumdawnna kalpui hi awm tawh lo se an duh thu an tarlang bawk.



WEATHER FORECAST

Kumin January thla atanga September thla inkar khan Mizoram chuan ruahtui a dawng tha a, district hrang hrang zingah Kolasib chuan ruahtui hi dawng tha berin Mizoram pumah nikum chhunga ruahsur aiin kumina ruahsur a tam zawk.

Akashvani Aizawl zawhna chhangin Indian Meterological Department, Aizawl Director Pu Sudheer Kumar Dwivedi chuan, Kolasib dawtah hian Aizawl leh Siaha district te chuan ruah tui an dawng the zual zawk niin a sawi a, nikum aiin ruahtui an dawng tha zawk a ni. Khaw awm dan thlir chuan tun thla October leh November thla lai hawl thleng hian ruahtui a la tlak belh nual turah an ngai bawk.

Byte : IMD Director

IMD Aizawl Director sawi danin District tinah nikum aiin ruahtui an dawng tha zawk vek a. Hetihlai hian ruahtui avang hian lei min leh chhiatna dang pawh a thlen phah ve thin bawk a ni.

Pu Sudheer Kumar Dwivedi chuan ruahtui tlak chungchang leh khaw chin mipui hnena puan chhuah chungchangah All India Radio chuan mawhphurhna pawimawh tak a la nia sawiin, mipui himna leh thu pawimawh tak tak hriattirtu a ni tih a sawi bawk.



GENERAL LAD CONFERENCE VAWI 47-NA

UPC North East India, General Ladies Auxiliary Department (LAD) Conference vawi 47-na chu October ni 10, 2025 Zirtawp zan khan Lunglei Farm Veng, UPC Multipurpose Centre-ah hman tan a ni a, Former General Superintendent, Rev. K. Satinvela chuan Conference hi a hawng a ni.

Kumin 2025 hi General LAD ten Conference ahranga an neih kum niin, Conference thupui atan 'I Ram lo thleng rawh se' tih chu hman a ni a, Inkhawmpuia rorel langsar zual zingah hian General LAD Conference na hmun tur chu District ah Rotation-a kalpui thin tura pass a ni a, Ruihhlo dona leh invenna kawnga General LAD ten hmalak nise tih leh General Missions Field-ah Biak In sak sak ni se tih bakah Kum 2027 General LAD Conference thupui ah, 'Kan fate I chhanhim ang u' tih te pass a ni.

General LAD Conference Vawi 47-na hmang tur hian Mizoram leh State pawn a tangin palai 2500 velan kal khawm a, Conference hi October ni 12 Pathianni zana a tiak ang.

